

官板

唐六典

五

74
6447
5



6447
5

大唐六典光祿寺卷十五

唐元宗御撰

集賢院學士兵部尚書兼中書令修國史上柱

國開國公臣李林甫等奉勅注上

光祿寺

卿一人

少卿二人

丞二人

主簿二人

錄事二人



唐六典
卷十五

府十二人

史二十一人

亭長六人

掌固六人

太官署

令一人

丞二人

府二人

史四人

監膳十人

監膳史十五人

供膳二千四百人

掌固四人

珍羞署

令一人

丞二人

府三人

史六人

典事八人

錫匠五人

掌固四人

良醞署

令二人

丞二人

府三人

史六人

監事掌醞二十人

掌匠十三人

奉解一百二十人

掌固四人

掌醞署

令一人

丞二人

府二人

史四人

主醞十人

醬匠二十三人

酢匠十二人

鼓匠十二人

菹醞匠八人

掌固四人

光祿寺卿一人從三品

漢書百官表云郎中令秦官武帝大初元年更名光祿勳

掌宮殿門戶秩中二千石

今雖取其名職務則別後漢兼掌郊祀三獻獻帝未又改為郎中令魏文帝黃

初元年復為光祿勳晉光祿勳有寺丞功曹主簿五

官等員東晉哀帝興寧二年省并司徒孝武帝寧康

元年復置魏晉已來無三署郎光祿勳不復居禁中

宮殿門戶猶屬焉宋齊因之梁置十二卿除勳字光

祿卿為冬卿班第十一陳因梁後魏光祿卿從第一

品下太和三年重次職令九卿並第三品北齊

光祿寺置卿掌諸膳食帳幕器物有藏隋光祿寺置

卿少卿丞主簿錄事等員統大官有藏良醞等署令

丞開皇三年廢光祿入司農十二年復置煬帝即位

降卿為從三品皇朝因之龍朔二年改為司宰寺正

卿咸亨中復舊光宅元年改為司膳寺卿神龍元年復舊

少卿二人從四品上後魏太和十五年初置少卿官

第三品上至二十二年降為正

四品上北齊因之隋初依北齊煬帝即位初置一人
降為從四品皇朝置一人貞觀中即置二人龍朔咸
亨光宅神龍
并隨寺改復

光祿卿之職掌邦國酒醴膳羞之事總大官珍羞良

醞掌醢四署之官屬修其儲備謹其出納少卿為之

貳凡國有大祭祀則省牲鑊視濯漑若三公攝祭則

為之終獻朝會燕饗則節其等差量其豐約以供焉

丞一人從六品上漢光祿勳丞一人秩比千石魏晉

因之銅印黃綬宋置列卿丞並視

朝請梁天監七年改視員外郎陳因之後魏列卿丞

從五品中太和二十二年第七品上北齊光祿寺丞

一人從六品隋因之加置三人大業五

年加為從五品皇朝因之改為六品

主簿二人從七品上漢官儀光祿有主簿晉令亦置

主簿宋齊因之梁天監七年位

不登十八班者別置七班主簿位三班陳因之後魏
關文北齊光祿寺有功曹五官主簿隋光祿寺主簿
一人皇朝因之武德中正
八品上貞觀之後遂改焉

錄事二人從九品上晉制光祿勳置錄事史北齊光祿勳有錄事等員隋光祿寺錄

事三人並流外為之
皇朝置二員掌寺事

主簿掌印勾檢稽失

錄事掌受事發辰

太官署令二人從七品下周禮有庖人外饗中士蓋其任也秦為少府屬官太

官湯官令丞太官主膳食湯官主酒漿漢官儀太官令秩二千石桓帝延熹元年使太中令得補二千石置四丞魏氏因之晉光祿勳屬官有太官令宋侍中屬官有太官令一人齊因之梁門下省領太官陳因之後魏北齊分太官令為尚食中尚食尚食門下省領之中尚食集書省領之太官光祿卿領之尚食中

尚食掌知御膳太官掌知百官之饌後周有典庖中士一人隋光祿寺統大官署令丞具朝置令二人

丞四人從八品下周禮庖人外饗有下士秦有太官丞漢太官二丞後漢太官丞一人

三百石又有左右丞甘丞湯官丞果丞桓帝時太官置四丞又有左右丞魏晉宋齊並有太官丞梁有四人

又有市買丞正厨丞後魏北齊有太官丞一人後周內膳有中士四人隋太官署有丞八人皇朝置四人

監膳十人從九品下晉大官令有厨史二十四人後周內膳有主食十二人隋太官

有監膳十一人武德中太官監膳八人貞觀中加置十二人開元二十三年減二人

主膳史十五人皇朝貞觀中置

供膳二千四百人隋大官供膳二千人皇朝武德中置一千五百人永徽中加置二千

四百人

太官令掌供膳之事丞為之貳凡祭之日則自卿詣

諸厨省牲鑊取明水於陰鑑取明火於陽燧火以供
實尊帥宰人以鑿刀割牲取其毛血實之於豆遂烹牲
焉又帥進饌者實簠簋設於饌幕之內凡冬至圜丘
之祀昊天上帝籩豆各十二簠簋瓬俎各一配帝亦
如之五帝籩豆各去其二大明夜明又去其二內官
中官籩豆各二簠簋俎各一外官衆星籩豆各一簠
簋俎各一孟春祈穀祀於昊天上帝配帝五方帝如
冬至之儀孟春雩祀昊天上帝配帝五方帝如祈穀
之儀五帝籩豆各用八簠簋瓬俎各一五官籩豆各
二簠簋俎各一季秋享明堂如雩祀五郊迎氣正坐

配坐籩豆各十二簠簋瓬俎各一五星十二辰二十
八宿五官籩豆各二簠簋俎各一蜡祭大明夜明籩
豆各十簠簋俎各一神農伊耆籩豆各四簠簋俎各
一五星已下凡九十八坐籩豆各二簠簋俎各一邱
陵以下凡八十五坐籩豆各一簠簋俎各一朝日夕
月籩豆各十簠簋瓬俎各一風師雨師靈星司中司
命司人司祿籩豆各八簠簋俎一夏至方丘祭皇地
祇籩豆各十二簠簋瓬俎各一配帝亦如之神州籩
豆各四簠簋瓬俎各一嶽鎮已下籩豆各二簠簋俎
各一邱陵已下籩豆各一簠簋俎各一孟冬祭俎神

州籩豆各十二。簠簋瓊俎各一。配帝亦如之。太社太稷籩豆各十。簠簋鉶俎各二。配帝亦如之。馬祖馬社先牧馬步籩豆各八。簠簋俎各一。時享太廟。每室籩豆各十八。簠二。簋二。瓊三。鉶三。俎二。七祀及配帝功臣。每坐籩豆各二。簠簋俎各一。舊制籩豆十二。開元十四年。加籩豆各六。二帝社先蠶。籩豆各十。簠二。簋二。瓊三。鉶三。俎三。配坐亦如之。司寒。籩豆八。簠簋俎各一。五龍祠。每坐籩豆各八。簠簋瓊鉶俎各一。釋奠於孔宣父。籩豆各十。簠簋各二。瓊鉶俎各三。配坐亦如之。從祀八十六坐。籩豆各二。簠簋俎各一。釋奠於齊太公。籩豆各十。簠

簋各二。瓊鉶俎各三。配坐亦如之。凡籩之實。有形鹽

魚脯棗栗菱芡白餅黑餅餌粉飡。豆之實。有醯醢飽

食糝食豚胸。簠簋之實。有黍稷稻粱。瓊實太羹。鉶實

肉羹。凡祭有牲者。皆豚。右胖體十一。前節三。肩臂臠。後節二。肫脰正脊一。脰脊一。橫脊一。長脇一。短

脇一。代脇二。背二。骨以並。脊從前為正。脇傍中為正。凡朝會燕饗。九品已上。並

供其膳食。凡供祭祀。致齊之官。則皆視其品秩為之

差降。若國子監。春秋二分釋奠。百官之觀禮。亦如之。

左右廂南衙。文武職事。五品已上。及員外郎。供饌百盤。餘供中書門下。供奉官。及監察御史。每日常供具。三羊。六參之日。加一羊焉。行奉從官。奉六羊。釋奠觀禮。具五羊。冬月。則加造湯餅及黍臠。夏月。加冷淘粉粥。寒食。加餠粥。五月七日。三月三日。加煎餅。正月十五日。晦日。加餠粥。五月五日。加粽。七月七日。加餠。

餅九月九日加饈十月一日加凡行幸從官應供膳

黍臠並於常食之外而加焉其南北衙從官宏文崇文館史官集賢

食亦有名數殿書院學士及修撰校理官吏並供五

品凡宿衛當上及命婦朝參燕會者亦如之

珍羞署令一人正八品下周禮有籩人奄一人女籩

實則朝事之籩饋食之籩加籩羞籩之實也後漢少

府屬官有甘丞主膳供果丞主果晉大官令有錫官

史二人又有果官二人北齊光祿寺有藏令後周有

看藏中士一人下士一人隋光祿寺有藏令皇朝因

之長安中改為珍羞署神龍初復為

看藏署開元初又改為錫匠五人

丞二人正九品下後周有看藏下士一人北齊有看

藏署丞隋看藏署丞二人武德中

置一人貞觀中加置二人長

安神龍開元并隨署改復

典事八人隋看藏署有掌事十人武德中

有典事十四人貞觀中減之

錫匠五人皇朝

珍羞令掌供庶羞之事丞為之貳以實籩豆陸產之

品曰榛栗脯修水物之類曰魚鹽菱芡辨其名數會

其出入以供祭祀朝會燕饗之禮

良醞署令二人正八品下周官有酒正中士下士掌

辨五齊三酒之物又有酒人奄十人女酒三十人奚

百人掌為五齊三酒以供祭祀賓客後漢少府有湯

官丞主酒晉大官有監釀吏四人酒丞一人四百石

齊職儀食官局有酒吏一人梁有酒庫丞北齊光祿

寺有清漳令丞主造酒冬春萬石夏秋半之後周有

酒正中士二人下士四人隋有良醞署令二人皇朝

武德中置一人貞觀中加至

丞二人正九品下隋有良醞丞四

人皇朝二人

唐六典

卷十五

監事二人從九品下皇朝置

掌醞二十人隋有五

酒匠三十人皇朝置

奉解一百二十人隋置一百人

良醞令之職掌供邦國祭祀五齊三酒之事丞為之
貳五齊一曰汎齊二曰醴齊三曰醢齊四曰醜齊五
曰沈齊三酒一曰事酒二曰昔酒三曰清酒凡郊祀
之日帥其屬以實尊罍太尊為上實以汎齊著尊次
之實以醴齊犧尊次之實以醢齊象尊次之實以醜
齊壺尊次之實以沈齊犧尊次之實以三酒配帝著

尊為上實以沈齊犧尊次之實以醜齊象尊次之實
以盎齊山罍為下實以清酒五帝日月俱以太尊實
以沈齊其內官之象尊實以醴齊中官之壺尊實以
沈齊外官之概尊實以清酒衆星之散尊實以旨酒
齊加明水酒加元酒各實於上尊若享太廟供其鬱
鬯之酒以實六彝若應進者則供春暴秋清醑醪桑
落等酒今內有郢州春酒本音其州出美酒初張去
奢為刺史進其法今則取郢州人為酒匠以
供御及時燕賜
掌醞署令一人從八品周禮有醢人奄二人女醢二
十人奚豆四十人掌四豆之實
則朝事之豆饋食之豆加豆羞豆之實也又有醢人
奄二人女醢二十人奚豆四十人掌五葦七菹以供祭

祀賓客之事。齊職儀諸公府有釀食典軍二人。後周有掌醢中士一人。下士十二人。隋掌醢署令一人。皇朝因之。領主醢醬匠。醢匠。鼓匠。菹醢等匠。

丞二人。從九品下。隋置。皇朝因之。

主醢十人。隋有掌醢十人。武德中。為主醢。加至十四人。貞觀中。減焉。

掌醢令。掌供醢醢之屬。而辨其名物。丞為之貳。一曰鹿醢。二曰兔醢。三曰羊醢。四曰魚醢。和其麴蘖。視其多少。而為之品齊。凡祭神祇。享宗廟。用菹醢。以實豆。燕賓客。會百官。用醢醬。以和羹。

唐六典卷十五

大唐六典衛尉宗正寺卷第十六

唐 元宗御 撰

集賢院學士兵部尚書兼中書令修國史上柱

國開國公臣李林甫等奉 敕注上

衛尉寺

卿一人

少卿二人

丞二人

主簿二人

錄事二人

府六人

史十一人

亭長四人

掌固六人

兩京武庫

令各一人

丞一人

府一人

史六人

監事一人

宗典事二人

掌固四人

武器署

令一人

丞二人

府二人

史六人

監事一人

典事二人

掌固四人

守官署

令一人

丞二人

府二人

史四人

監事二人

掌設六人

幕士一千六百人

掌固四人

宗正寺

卿一人
少卿二人
丞一人
主簿二人
錄事一人
府五人
史九人
亭長四人
掌固四人
崇元署

令一人

丞一人

府二人

史三人

典事六人

掌固二人

衛尉寺卿一人從三品

漢書百官表云衛尉秦官也掌宮門衛屯兵漢因之景帝

中六年更名中大夫令後元年復為衛尉屬官有公車司馬衛士旅賁三令丞又諸屯衛侯司馬二十二官皆屬焉又有長樂建章甘泉衛尉各掌其宮之職不常置後漢衛尉又有南宮北宮衛士令丞餘同前漢荀綽百官表云衛尉品第三銀章青綬五時朝服武冠佩水蒼玉過江省宋孝建元年復置齊因之梁

天監七年置十二卿衛尉與廷尉大匠為秋卿班第十二位視待中兼統武庫令陳因之後魏衛尉卿從第一品下太和二十二年降為第三品北齊因之隋衛尉掌軍器儀仗帳幕以監門衛掌官門屯兵煬帝降卿為從三品皇朝因之龍朔二年改為司衛寺正卿咸亨中復舊光宅元年又改為司衛寺卿龍朔元年復故

少卿二人從四品上

後魏太和十五年初置少卿官第三品上二十二年降為正四

品上北齊因之隋煬帝降為從四品皇朝因之貞觀中置二人龍朔咸亨光宅神龍并隨寺改復

衛尉卿之職掌邦國器械文物之政令總武庫武器守宮三署之官屬少卿為之貳凡天下兵器入京師者皆籍其名數而藏之凡大祭祀大朝會則供其羽儀節鉞金鼓帷帟茵席之屬其應供宿衛者每歲二

時閱之。其有損弊者，則移於少府監及金吾修之。

丞二人，從六品上。秦漢衛尉丞二人，比千石。魏晉並同。宋孝建元年，增置一人。梁陳各

一人。梁選簿列卿丞班第三。後魏列卿丞從五品中。太和二十二年，第七品上。北齊衛尉丞一人，從六品

下。隋衛尉丞二人，品同。北齊大業五年，復為從五品。皇朝改為從六品上。

主簿二人，從七品上。漢官儀鹵簿篇：衛尉駕四馬，主簿前車八乘，有鈴下侍閣辟車

騎吏等員。晉令衛尉主簿二人，宋齊衛尉并有主簿。員。梁天監七年，十二卿各置主簿，位三班。陳因之。北

齊衛尉寺有主簿。隋主簿二人，皇朝武德中置二人。正八品。貞觀中減置一人，從七品上。後又置二人。

錄事一人，從九品上。

丞掌判寺事。凡器械出納之數，大事則承制勅，小事

則由省司。

主簿掌印，勾檢稽失。

錄事掌受事發辰。

武庫令，兩京各一人，從六品下。周禮有司甲下大夫，司弓矢，下大夫司兵。

中士司戈盾，下士並武庫之任也。漢屬執金吾，後漢太僕屬官有考工令丞，主作兵器弓弩刀鎧之屬。成

則付執金吾入武庫。又云：武庫令六百石。魏晉因之。宋尚書庫部屬官有武庫令，掌軍器。齊因之。梁衛尉

寺統武庫署令丞，掌甲兵及吉凶儀仗。後周依周官。隋衛尉寺統武庫署令二人，皇朝因之。後魏置一人。

丞一人，從八品下。漢魏晉時并有武庫丞。北齊亦同。隋有武庫丞二人，皇朝因之。後減

一人。

監事一人，正九品上。

武庫令掌藏天下之兵仗器械，辨其名數，以備國用。

丞為之貳。凡軍鼓之制有三。一曰銅鼓。二曰戰鼓。三

曰鑊鼓。世本曰。巫咸作鼓。周官云。鼓人掌數六鼓。四

金之制有四。一曰錚。二曰鐻。三曰鐃。四曰鐸。周禮

金錚和鼓。以金獨節鼓。以金鐃止鼓。以金鐸通鼓。鄭

元云。鐸。鉦也。軍行鳴之。以節鼓。鐃如鈴。無舌。鳴之。以

止鼓。鐸。大鈴。振以通鼓。司馬職曰。卒長執鐃。兩司馬

執鐸。公。司馬執鐸。司馬振鐸。行軍鳴鐸。鼓退鳴鐃。且

却。兵戰擊鼓以進。弓之制有四。一曰長弓。二曰角弓。

三曰稍弓。四曰格弓。釋名曰。弓。穹也。張之穹然。其末

中央曰射。所撫持也。今長弓以桑柘。步兵用之。角弓

以筋角。騎兵用之。稍弓。短弓也。利於近射。格弓。綵飾

之弓。羽。弩之制有七。一曰擘張弩。二曰角弓弩。三曰

儀所執。木單弩。四曰大木單弩。五曰竹竿弩。六曰大竹竿弩。

七曰伏遠弩。釋名曰。弩。怒也。有怒勢也。其柄曰臂。似

郭。為牙之規。郭也。合各名之曰機。言如機之巧也。亦言

如門戶樞機。開闔有節也。蔡邕曰。冀州強弩。幽州突

騎。天下之精也。漢書有遠望連弩。射法十五篇。華嶠

後漢書云。陳敬王寵善弩射。其秘法。以天覆地載。參

連為奇。入有三微。三小。三微為經。三小為緯。萬勝之

方。然要有機牙。其射至十發。十中皆全孔。魏氏春秋

曰。諸葛亮損益連弩。謂之元戎。以鐵為矢。矢長八寸。

一弩。十矢。俱發。周禮。司弓。掌六弓。四弩。今擘張弩。小

弩。步兵所用。角弓。弩。騎兵所用。木單弩。之制有四。一

曰竹箭。二曰木箭。三曰兵箭。四曰弩箭。周禮。司弓。矢

枉。矢。絮。矢。利。火射。用。諸守城。車戰。殺矢。鏃。矢。用。諸近

射。田獵。矰。矢。弗。矢。用。諸弋射。恒。矢。痺。矢。用。諸散射。方

曰又又通俗文曰骨鏃曰鏃鐵鏃曰鏃鳴箭曰散霍
葉曰鏃皆古之制也竹箭以竹為箭諸箭亦通用木
箭以木為箭唯利射獵兵箭剛鏃而長刀之制有四
用之射甲弩箭皮羽而短用之陷堅也

一曰儀刀二曰鄣刀三曰橫刀四曰陌刀釋名曰刀未曰鋒其

本曰環今儀刀蓋古班劍之類宋晉已來謂之御刀後魏曰長刀皆施龍鳳環至隋謂之儀刀裝以金銀

羽儀所執鄣刀蓋用鄣身以御敵橫刀佩刀也兵士所佩各亦起於隋陌刀長刀也步兵所持蓋古之斷

馬槍之制有四一曰漆槍二曰木槍三曰白幹槍四

曰撲頭槍釋名曰矛冒也刃下冒矜也長八尺曰稍馬上所執蓋今之漆槍短騎兵用之木槍

長步兵用之白幹槍羽林所執撲頭槍金吾所執也甲之制十有三一曰明光

甲二曰光要甲三曰細鱗甲四曰山文甲五曰烏鎧

甲六曰白布甲七曰皂絹甲八曰布背甲九曰步兵

甲十曰皮甲十有一曰水甲十有二曰鎖子甲十有

三曰馬甲甲似物之孚甲以自衛也史記曰楚人鮫革以為甲漢書曰魏氏武卒衣三屬之甲

謂上身一鞞禪一兜鍪一凡三屬也今明光光要細鱗山文烏鎧鎖子皆鐵甲也皮甲以犀兕為之其餘

皆因所用彭排之制有六一曰膝排二曰團排三曰

漆排四曰木排五曰聯木排六曰皮排釋名曰彭旁

禦寇也纂文曰鹵大楯也今謂之彭排故諸葛亮曰帳下持彭排百枚其膝團漆木皮皆古制也蓋亦因

其所用物旗之制三十有二一曰青龍旗二曰白獸

旗三曰朱雀旗四曰元武旗五曰黃龍負圖旗六曰

應龍旗七曰龍馬旗八曰玉馬旗九曰鳳凰旗十曰

鸞旗十一曰鷓鴣旗十二曰太平旗十三曰麒麟旗

十四曰飛麟旗十五曰飛黃旗十六曰馱馱旗十七曰白澤旗十八曰五牛旗十九曰犀牛旗二十曰金牛旗二十一曰兕旗二十二曰三角獸旗二十三曰角端旗二十四曰吉利旗二十五曰驪騮旗二十六曰騶牙旗二十七曰黃鹿旗二十八曰白狼旗二十九曰赤熊旗三十曰辟邪旗三十一曰菑文旗三十二曰刃旗

周禮司常掌九旗之名物日月為常交龍為旗龜蛇為旐全羽為旞析羽為旖列子曰黃帝與炎帝戰于阪泉之野以雕鶚鷹鳶為旗今白澤朱雀辟邪元武等旗金吾隊所執青龍白獸麒麟角端赤熊等旗左右衛隊所執鳳凰飛黃吉利兕旗太平等旗驪騮衛隊所執五牛飛麟馱馱騶牙犀牛鷄鶩騶等旗武衛隊所執應龍三角玉馬白狼龍馬金牛等

旗領軍隊所執黃龍負圖黃鹿騶牙蒼鳥等旗威衛隊所執菑文旗脚為菑文刃旗火爛燔也袍之制有五一日青袍二曰緋袍三曰黃袍四曰白袍五

曰阜袍說文曰袍襦也以架曰襦以縕曰袍今之器用之制有八一日大角

樂錄曰角者說云蚩尤氏率始命吹角為龍鳴以禦之至魏武北征烏丸度沙漠而軍士思歸於是減為中鳴而尤更悲矣胡角者本以應胡笳之聲後漸用之故有長鳴中鳴二曰纛

漢書有纛頭每三行幸及大軍征伐則建于旗上隋三煬帝親征遼左每百人置一纛皇朝因之不改

曰鉞斧石氏星經曰天鉞一星在井旁輿服志曰鉞黃帝所造塗以黃金行則載以車可以斬戮

傳云湯伐昆吾躬把大鉞武王入商國周公把大鉞畢公把小鉞以夾王以鐵為之六韜云武王軍中有大柯斧刃廣八寸重八斤名為天鉞即今四曰鐵蒺

之大鉞也魏晉已來上公親征猶假其器

四曰鐵蒺

蒺

蒺

梨

漢書晁錯上疏云。磊渠答。鐵蒺藜。五曰。也。至隋煬帝征遼。布鐵菱于地。亦其類也。

棒

太公六韜曰。方扇及鐵楮。重十二斤。柄長五尺。千二百枚。一名天楮。星占云。天楮五星。天之杖也。

六曰。鉤

越絕書云。船軍之備。必備長斧。七曰。鐵孟。謂長鉤。長鉤者。所以鉤引敵船也。

之孟。蓋今之鐵鍋也。

八曰。水斗。漢書云。斗。所以量多少也。為軍中食器也。

凡諸道行軍。皆給鼓角。三萬人已上。給大角十四具。

大鼓二十面。二萬人已上。大角八具。大鼓十四面。萬

人已上。大角六具。大鼓十面。萬人已下。臨事量給。其

鎮軍則給三分之一。凡大駕親征。及大田巡狩。以羝

羊。豕。猪。雄雞。鼙鼓。若皇太子親征。及大將軍出師。則

用豸。肫。凡有赦。則先建金雞。兼置鼓於宮城門之右。

視大理及府縣囚徒。至則搥其鼓。

關東風俗傳云。宋孝王嘗問先達。司

馬膺之云。後魏北齊赦日。建金雞事。膺之曰。按海中

星占。天雞星動。必當有赦。蓋王者以雞為赦候。按其

所設。其制始於後魏。不知起自何帝也。隋書刑法志

曰。北齊赦日。皆武庫令設金雞及鼓於關門右。搥鼓

千聲。宣赦。釋囚徒。隋因之。牛宏大興記曰。赦日。建

金雞。自後魏以來。常然。或云。起於呂后。未之詳也。

武器署。令一人正八品下。

隋行臺尚書省有武器監。令錄事。皇朝永徽中始置。

其署。以丞二人。從九品下。

隋置。皇朝因之。監事一人。從九品下。

武器署。令掌在外戎器。辨其各物。會其出入。丞為之

貳。凡大祭祀。大朝會。大駕巡幸。則納於武庫。供其鹵

簿若王公百官拜命及婚葬之禮應給鹵簿及三品已上官合列棨戟者並給焉

守官署令一人正八品下漢少府屬官有守官令丞主御紙筆墨及財物諸用

并封泥之事晉光祿勳屬官有守官令梁陳大匠卿屬官有守官令員北齊光祿寺統守官令丞掌凡張設之事隋衛尉寺統守官署令二人皇朝減一人

丞二人正九品下隋守官丞四人皇朝減置二人

監事二人從九品下

守官署令掌邦國供帳之屬辨其名物會其出入丞為之貳凡大祭祀大朝會大駕巡幸則設王公百官位於正殿南門外若吏部禮部兵部考功試人則供

帷幕之屬若王公婚禮亦供其帳具

宗正寺卿一人從三品石氏星經曰宗正二星在帝座東南周禮小宗伯掌三族

之別以辨親疎漢百官表云宗正秦官掌親屬平帝元始四年更名宗伯王莽并其官於秩宗光武復置續漢書百官志宗正掌序錄王國嫡庶之次宗室親屬遠近漢宗正之官不以他族楚元王子郢客劉辟疆劉德等通為之魏亦以宗室居之晉桓溫奏省屬大常宋齊並不置梁天監七年乃置焉宗正春卿位視列曹尚書皆以宗室為之班第十三陳因之後魏亦曰宗正卿第二品上北齊第三品隋開皇初宗正卿正三品煬帝為從三品皇朝因之

少卿二人從四品上後魏太和中初置少卿第三品二十三年為第四品隋初正四

品煬帝降為從四品皇朝因之

丞一人從六品上漢宗正有丞秩千石歷魏晉亦如之東晉省宋齊因之梁宗正丞為

四班陳六百石第八品後魏第七品北齊因之隋初丞二人並七品下煬帝大業五年增為從五品皇朝置一人從七品下

主簿二人從七品上

梁天監十年置為七班陳因之北齊同隋置二人皇朝置一人

開元二十五年加一人自卿以下並於宗室中擇才行者補授也

錄事一人從九品上

宗正卿之職掌皇九族六親之屬籍以別昭穆之序

紀親疏之列并領崇元署少卿為之貳九廟之子孫

其族五十有九光皇帝一族定州刺史乞豆景皇帝

之族六譙蔡畢雍郇鄭譙王蔡王二族無後元皇帝之族三梁

蜀漢梁王漢王二族無後高祖之族二十有一隱太子衛巢楚

荆漢鄧周徐韓彭鄭霍虢道鄧舒魯江密滕隱太子衛王巢

王楚王荆王漢王鄧王周王八族無後太宗之族十有三恒山楚吳濮

齊蜀蔣越紀代江趙曹楚王齊王蜀王越王江王代王趙王七族無後恒山王負

觀中降為庶人開元二十四年孫適之為御史大夫朝政肅清多所綱紀上嘉其才能因追雪而復舊焉

高宗之族六梁許澤郇孝敬章懷梁王許王孝敬三族無後郇王追封

許中宗之族四懿德庶人節閔殤帝懿德太子庶人重福殤帝並無凡太

後睿宗之族五寧王惠壯惠文惠宣隋王隋王無後凡太

皇太后皇太后皇后之親分五等皆先定於司封宗

正受而統焉凡皇周親皇后父母為第一等準三品

皇大功親皇小功尊屬太皇太后皇太后皇后周親

為第二等。準四品。皇小功親。皇總麻尊屬。太皇太后
 皇太后皇后周大功親為第三等。準五品。皇總麻親
 為第四等。皇袒免親。太皇太后小功卑屬。皇太后皇
 后總麻親及舅母姨夫為第五等。並準六品。其籍如
 州縣之法。凡大祭祀及冊命朝會之禮。皇親諸親應
 陪位豫會者。則為之簿書。以申司封。若皇親為王公
 子孫應襲封者。亦如之。

丞掌判寺事

主簿掌印及句檢稽失

崇元署令一人正八品下

北齊有昭元寺掌釋道二
教置大統一人都維那三

人亦主簿功曹員以管諸州縣沙門又鴻臚寺統
典寺署有丞一人後周有司寂上士中士掌法門之
政又有司元中士下士掌道門之政隋置崇元署令
丞煬帝改佛寺為道場改道觀為元壇各置監丞皇
朝又為崇元署令又置諸寺觀監隸鴻臚寺每寺觀
各監一人貞觀中省開元二十五年敕以為道本玄
元皇帝之教不宜屬鴻臚自今以後道士女道士並
宜屬宗正以光我本根故署亦隨而隸焉其僧尼別
隸尚書
祠部也

丞一人正九品下

北齊昭元寺有僧祇部丞隋
崇元署丞一人皇朝因之

崇元令掌京都諸觀之名數道士之帳籍與其齋醮
 之事丞為之貳

唐六典卷十六

唐六典

唐六典卷十六

大唐六典太僕寺卷第十七

唐 元宗御 撰

集賢院學士兵部尚書兼中書令修國史上柱

國開國公臣李林甫等奉 敕注上

太僕寺

卿一人

少卿二人

丞四人

主簿二人

錄事二人

府十七人

史三十四人

獸醫六百人

獸醫博士二人

學生一百人

亭長四人

掌固六人

乘黃署

令一人

丞一人

府一人

史二人

典事八人

駕士一百四十人

羊車小史八人

掌固六人

典廐署

令二人

丞二人

府四人

史八人

主乘六人

典事八人

執馭一百人

駕士八百人

掌固六人

典牧署

令三人

丞四人

府四人

史八人

監事八人

典事十六人

主輅七十四人

駕士一百六十人

掌固四人

車府署

令一人

丞一人

府一人

史二人

典事四人

馭士一百七十五人

掌固六人

諸上牧監

監各一人

副監二人

丞二人

主簿一人

錄事一人

府三人

史六人

典事八人

掌固四人

中牧監副監丞府各減一人典事史減二人

下牧監典事掌固減二人

沙苑監

監一人

副監一人

丞一人

主簿一人

錄事一人

府二人

史四人

典事六人

掌固二人

太僕寺卿一人從三品

周禮有太僕下大夫二人穆王命伯冏為太僕正漢書百

官表云太僕秦官掌輿馬秩中二千石有兩丞屬官有太僕未央廐家馬三令各五丞一尉又車府輅輪騎馬駿馬四令丞又龍馬閑駒橐泉駒駘承華五監長丞又邊郡六牧師苑令各三丞又有中太僕掌車八十一乘後漢有車府未央廐長樂廐令丞魏因之

晉太僕銀章青綬五時朝服進賢兩梁冠佩水蒼玉品第四丞一人部丞五人置功曹主簿五官等員統典農典虞都尉典虞丞牧官都尉左右中典牧都尉典牧令諸羊牧丞乘黃驎騮龍馬三廐令過江省其後又置成帝咸和七年省併宗正蓋有事則權置無事則省宋因晉不置若郊祀則權置太僕執轡事畢省齊亦如之梁天監七年置十二卿太僕與太府少府為夏卿統南牧左右牧龍廐內外廐班第十陳因之魏太僕卿第二品上又置少卿太和二十二年九卿並第三品北齊太僕寺統驎騮左右驎騮司羊乘黃車府等署後周依周官隋太僕寺統驎騮乘黃龍廐車府典牧牛羊等署煬帝降卿為從三品減驎騮署入殿內省尚乘局改龍廐曰典廐署又有左右駮阜二廐加置主乘司庫司廩官罷牛羊署皇朝因之而省駮阜等諸官龍朔二年改為司馭寺正卿咸亨中復舊光宅元年改為司僕寺神龍元年復

少卿二人從四品上

後魏太和十五年九卿各置少卿一人品第三上二十二年降

為正四品上。北齊因之。隋加至二員。煬帝降為從四品上。皇朝因之。龍朔咸亨光宅神龍。隨寺改復。太僕卿之職。掌邦國廐牧車輿之政令。總乘黃典廐典牧車府四署。及諸監牧之官屬。少卿為之貳。凡國有大禮。大駕行幸。則供其五輅屬車之屬。凡監牧所通羊馬籍帳。則受而會之。以上於尚書駕部。以議其官吏之考課。凡四仲之月。祭馬祖。馬步先牧馬社。丞四人。從六品上。秦漢太僕有兩丞。秩千石。後漢一齊省。梁天監七年。置十二卿。各有丞。列卿丞。通視朝請班第三。陳因之。後魏列卿丞。從五品中。太和末。降為七品上。北齊丞一人。從六品下。隋太僕丞三人。品同。北齊大業五年。加為從五品。皇朝復為從七品上。武德中。減置二人。永徽中。加一人。開元初。又加一人。領獸醫博士學生等。

主簿二人。從七品上。梁天監七年。十二卿各置主簿一人。位不登十八班者。別置七班主簿。班第三。陳因之。北齊置一人。隋置二人。皇朝因之。武德中。品正第八。貞觀中。加至從上品上。錄事二人。從九品上。

丞掌判寺事。凡補獸醫生。皆以庶人之子。考試其業。成者補為獸醫。業優長者。進為博士。

主簿掌印。勾檢稽失。省署抄目。

錄事掌受事發辰。

乘黃署令一人。從七品下。乘黃。古神馬名。亦曰飛黃。皆有角。日行萬里。六韜云。乘黃震死。淮南子云。天下有道。飛黃伏阜。然車馬職全。後漢有未央廐令長樂廐丞。至魏遂改為乘黃廐。晉因之。宋太常屬官有乘黃令一人。掌乘輿金根車及安車追鋒諸馬車。齊職儀云。乘黃獸名也。龍翼馬。

身黃帝乘之而僊。因以名廐。乘黃令品第七。秩四百石。銅印墨綬。進賢一梁冠。絳朝服。梁太常屬官有乘黃令丞。三品勳位。陳因之。後魏有乘黃令丞。北齊掌諸輦路。隋太僕寺統乘黃署令丞。皇朝因之。領駕士羊車小史等。

丞一人。從八品下。

魏有乘黃丞。晉因之。宋齊並有乘黃令。無丞。梁陳後魏北齊隋並有

乘黃丞。皇朝因之。

乘黃令掌天下車輅。辨其名數。與馴馭之法。丞為之

貳。凡乘輿五輅。

周禮中車式。掌王五輅。有玉金象革木之制。至秦唯乘金根車。漢承秦制。

以為乘輿。晉武帝始備五輅。為天子法車。宋齊梁陳相因不絕。後魏五輅各依方色。並駕五馬。後周設六官。置司輅之職。皇帝之輅。十有二等。一曰蒼輅。二曰青輅。三曰朱輅。四曰黃輅。五曰白輅。六曰元輅。七曰玉輅。八曰碧輅。九曰金輅。十曰象輅。十一曰革輅。十二曰木輅。後閱視武庫。得魏舊物。有乾象輦。駕二十

四馬。又有大樓輦車。駕二十牛。又有象輦。初駕二象。後以六駝代之。皆魏天興中之所制也。宣帝以來皆服御之。兼以賜皇后。隋開皇元年。以魏周輿輦非古之制。皆廢毀。改造五輅也。一曰玉輅。祭

祀納后則乘之。二曰金輅。饗射郊征還飲至則乘之。

三曰象輅。行道則乘之。四曰革輅。巡狩臨兵事則乘

之。五曰木輅。田獵則乘之。

凡玉輅。青質。以玉飾諸末。駕六蒼龍。金輅。赤質。以金

飾諸末。駕六赤駝。象輅。黃質。以黃飾諸末。駕六黃駝。革輅。白質。輓之以革。駕六白駝。木輅。黑質。漆之。駕六黑駝。五輅皆重輿。左青龍。右白獸。金鳳翅。畫昔文鳥也。

獸。黃屋。左纛。金鳳一在軾前。十二鑾在衡。二鈴在軾。

龍。駟前設鄣蔽之。

蓋三層。裏黃繡飾。上設鄣。上方鏡。下圓鏡。樹羽輪。金根。

朱班。重牙。左建旂。十有二旒。皆畫升龍。其長曳地。青

繡綢杠右載畫戟長四尺廣三尺繡文旂首金龍頭
 銜錦結綬及綬帶鑾鈴金鏤方鈿插翟尾五焦鏤錫
 輦纓十二就凡鏤錫輦纓皆從輅質耕根車青質三
 重蓋飾如玉輅安車金飾重輿曲壁八鑾在衡紫油
 通轆紫油纁朱裏朱絲絡網朱盤纓朱覆髮具輅四
 望車制同安車金飾八鑾在衡青油通轆青油纁朱
 裏朱絲絡網大駕則太僕卿馭五輅駕士各三十二人並平巾幘青衫大口袴千牛將軍一人陪
 乘五輅皆有副車按蔡邕獨斷云五輅之外復設五色安車立車各一乘皆駕四馬是為五馬副車故張良擊始皇中副車舊志云天馬命大蒐駕金根六馬設五時副車江左乃闕至晉始備隋開皇十四年始又有指南車崔豹古今注云造五輅及副皇朝因之

周公所作也周公理致太平越裳氏重譯來獻使者
 迷其歸路周公錫以駟車五乘皆為司南之制使越
 裳氏載之周年而至其國故常為先導示服遠及而
 正四方也秦漢其制無聞後漢張衡始復創造漢末
 喪亂其法不存沈約宋書云魏明帝始令博士馬鈞
 造之晉亂又亡石虎使解飛姚興使令狐生又造宋
 武平關中得之其制如鼓車設木人於車上舉手指
 南車驟回轉所指微差至齊祖冲之又造之歷梁陳
 隋無所變改皇朝因之駕四馬正記里鼓車崔豹古
 道先啓而行匠一人駕士十四人記里鼓車今注云
 車上為二層皆有人執槌行一里下一層擊鼓白
 行十里上一層擊鐺亦名大章車所以識道里也
 鷺車隋志名鼓吹車上施層鷺旗車
 旗者謂析羽旄而編之辟惡車崔豹古今注云鷺
 十二旒列繫幢傍也也
 祓不祥大卜令一人在車執皮軒車晉志以獸皮為
 弓箭平巾幘緋襜褕大口袴軒左金吾衛隊
 正一人在車執弩服同太卜令自指南車耕根車晉
 皆駕四馬正道匠一人駕士十四人

云建赤旗十有二旒天子親耕所乘也一名芝車一名三蓋車置耒耜於軾上駕六馬駕士三十二人

安車 晉輿服志云座乘謂之安車倚乘謂之立車各一乘名五時車俗謂之五帝車駕四馬駕士二人

四望車 晉志云陽遂四望德冠阜輪小形車駕中人

羊車 周遷輿服雜事曰羊車一名輦車其駕四馬也

紫碧鞞 青耳屬五辨鬃數人引之今代名爲布袴褶

羊車 漢代或以入牽或以駕果下馬晉志曰武帝乘羊車於後宮恣意所之

黃鉞車 崔豹古今注宮女插竹葉楊條候帝之來

黃鉞車 崔豹古今注通用以斷斬今以黃鉞爲乘輿之飾武王以黃鉞斬紂故王者以爲戒

豹尾車 崔豹古今注云豹尾車周之武弁朱衣革帶

豹尾車 制也所以象君子豹尾周言謙也古車正建之今唯乘輿得建焉漢書曰成帝以幸姬趙飛燕置屬車間豹尾中駕二馬右武衛隊正一人在車執之武弁朱屬車一十有二副車一日衣革帶駕士十二人也

貳車一曰佐車漢因秦制大駕屬車八十一乘行別中央左右分之法駕屬車三十六乘最後車懸豹尾皆阜蓋朱裏蔡邕獨斷曰古者諸侯貳車九乘秦滅九國兼其車服故爲八十一乘漢武祠太乙甘泉皆盡用之明帝上原陵又用之法駕三十三乘小駕一十二乘大業初備八十一乘三年帝嫌其多問閭毗曰此起於秦遂爲後式宋孝建時議準旂旒之數設十二乘令憲章往古大駕依秦法駕依漢小駕依宋帝曰大駕宜三十六法駕宜十二小駕除之可也皇朝因之置十二乘駕士各八人自指南車駕士皆平巾幘緋衫大口袴唯

大駕則用之若法駕耕根車青衫羊車服則殊也

則減五副輅白鷺辟惡安車四望車四分屬車之一餘同大駕若小駕又減象輅革輅木輅指南車記里鼓車鸞旗皮軒耕根羊車屬車黃鉞豹尾等車餘同法駕若有大禮則以所御之輅進內既事則受而藏

之凡將有事先期四十日尚乘供馬馬如駘色率駕

士預調習指南等車亦如之

典廐署令二人從七品下

周禮有校人圉師趣馬掌天子十有二閑之馬漢大

僕屬官有大廐未央廐後漢太僕屬官有未央廐主乘輿及宮中諸馬其後置左駿廐令別主乘輿御馬魏有驂駟廐令晉太僕統乘黃驂駟龍馬等廐令過江之後或省或置哀帝時省驂駟為門下之職宋齊因之梁太僕統龍廐內外廐陳因之後周有左右廐各上士一人北齊太僕寺統驂駟左右龍等署隋太僕寺統龍廐署皇朝改為典廐署令領執馭駕士等

丞二人從八品下

隋有龍廐丞皇朝改為典廐丞武德中四人今減二人

主乘六人正九品下

隋置皇朝因之

典廐令掌繫飼馬牛給養雜畜之事丞為之貳凡象

一給貳丁細馬一中馬二駑馬三駝牛騾各四驢及

純犢各六羊二十各給一丁

純謂色不雜者若飼黃禾及青草各準運處遠

近臨時加給也

乳駒乳犢十給一丁凡象日給棗六圍馬駝

牛各一圍羊十一各一圍

每圍以三尺為限也

蜀馬與騾各八

分其圍騾四分其圍乳駒乳犢五共一圍青芻倍之

凡象日給稻菽各三斗鹽一升馬粟一斗鹽六勺乳

者倍之駝及牛之乳者運者各以斗菽田牛半之駝

鹽三合牛鹽二合羊粟菽各升有四合鹽六勺

象馬騾牛

駝飼青草日粟豆各減半鹽則恒給飼禾及青荳者粟豆全斷若無青可飼粟豆依舊給其象至冬給羊皮及故氈作衣也

典牧署令三人正八品上周禮牧師下士四人掌牧馬而頒之秦漢太僕屬官

有牧師苑令皆在邊郡歷魏晉以下皆牧監之職隋太僕寺統典牧署牛羊署等令丞皇朝因之武德中

二人今加置三人領上輅駕士等

丞四人正九品上隋置皇朝因之武德中三人今加至四人

監事八人從九品下

典牧令掌諸牧雜畜給納之事丞為之貳凡羣牧所

送羊犢皆受之而供於廩犧尚食之用諸司合供者

亦如之

車府署令一人正八品下秦置車府令以趙高為之漢太僕屬官有車府令丞

後漢主乘輿諸車魏晉因之宋齊梁陳並尚書駕部領後魏闕文北齊太僕寺領車府令丞遂與乘黃令

分職隋因之皇朝因隋

丞一人正九品下秦漢已來車府署並有丞一人隋車府丞二人皇朝省置一人

車府令掌王公已下車輅辨其名數及馴馭之法丞

為之貳凡王公已下車輅一曰象輅二曰革輅三曰

木輅四曰輅車象輅以象飾諸末朱班輪八鑿在衡左建旂畫龍一升一降右載關戟革輅以革飾諸末左建通帛為壇餘同象輅木輅以漆飾之餘同革輅三輅皆朱質朱蓋朱旒檀一品九旒二品八旒三品七旒四品六旒其輦纓

就數亦如之輅車曲壁青通幃碧裏也凡春秋二時謁陵冊命王公及內外職事四品已上拜官正冬朝

會婚葬奉使皆視其品秩而給之親王以象輅三品

已上以革輅五品已上以木輅京縣令以輅車道大

駕及初上給之其婚葬則從京官三品已上給其馭
給駕士親王十有八一品十有六二品十有四各駕
以馬駱四輅車一三品十有二四品五品十有一縣
令六凡輅車之馬率馭士預調習之然後入輅及車
也
以牛駕者亦如之

上牧監一人從五品下

漢舊儀太僕牧師諸苑三十
六所分布北邊西邊以郎為
苑監官奴婢三萬人分養馬三十萬頭擇取教習給
六廄牛羊無數以給犧牲中興省漢陽有牧馬苑令
羽林郎監領魏置牧官都尉晉因之宋齊闕文梁太
僕統南牧左右牧等丞陳因之後魏闕文北齊太僕
寺統左右牧駝牛司羊等署令丞後周有典牲典牝
上士一人中士一人又有典駝典羊典牛各有中士
一人隋太僕寺統典牧署牛羊
署等令丞皇朝因分為牧監

副監二人正六品下

丞二人正八品上

主簿一人正九品下 並皇朝置

中牧監一人正六品下

副監一人從六品下

主簿一人從九品上

下牧監一人從六品下

副監一人正七品下

丞一人正九品上

主簿一人從九品下

諸牧監掌羣牧孳課之事凡馬五千匹為上監三千

匹已上為中監已下為下監凡馬牛之羣以百二十
 駝騾驢之羣以七十羊之羣以六百二十羣有牧長
 牧尉補長以六品已下子白丁雜色人等為之補尉以散官八品已下子為之品子八考白丁十考
隨文武簡試與資也凡馬有左右監以別其麤良以數紀為名
 而著其簿籍細馬之監稱左麤馬之監稱右其雜畜皆同
下監仍以土凡馬各以年名籍之每歲季夏造至孟
 地為其監名秋羣牧使以諸監之籍合為一諸羣牧別立南使北使西使東使以分統
 之常以仲秋上於寺凡馬以季春游牝月令季春乃合羣牛騰馬
游牝于牧其駒犢在牧三歲別羣若與本羣同牧不別給牧人馬牧牝
 馬四游五課駝四游六課牛驢三游四課羊三游四

課四五者皆言其歲而游牝也羊則當年而課之其
課各有率謂牛馬騾之牝百而歲課駒犢各以六
十馬二十歲則不課三歲游牝而生駒者仍別簿申
騾駒半之若馬從外蕃而至者初年課以四十二年
年五十三年全課牝者七十殺者八十凡監牧孳生過
 課七十羔羊之白者七十殺者八十凡監牧孳生過
 分則賞謂馬賸駒一則賞絹一匹駝騾之賸倍於馬
馬同其賞物二分入長一分入牧子牧子謂長上專
當者其監官及牧尉各通計所管長尉賞之通計謂
尉官十五長者賸駒十五匹賞絹一匹賞官管尉五
者賸駒七十五匹賞絹一匹之類計加亦準此應賞
者準印後定數先填死其有死耗者每歲亦以率除
耗足外然後計酬之其有死耗者每歲亦以率除
 之謂駝馬百頭以七頭為耗騾以六牛驢殺羊以十
白羊以十五從外蕃而新至者馬牛驢殺羊皆除
二十二年除十五駒除十四二年除十騾除十二年
除九白羊除二十五二年除二十三年皆同耗也
 若歲疫以私畜準同者以疫除準物側近私畜疫死
數同則聽以疫除馬

不在疫除之例即馬牛一十一歲以上不凡官畜在

入耗除限若緣非時霜雪死多者錄奏謂給訪

牧而亡失者給程以訪過日不獲估而徵之限百日

不獲準失處當時估價徵納牧子及長各知其半若

戶奴無財者準銅依加杖例如有闕及身死唯徵見

在人分其在廐失者主帥準牧長飼丁凡在牧之馬

準牧子其非理死損準本畜徵納也

皆印印右膊以小官字右脾以年辰尾側以監名皆

歲始春則量其力又以飛字印其左脾膊細馬次

馬以龍形印其項左送尚乘者尾側依左右關印

以三花其餘雜馬送尚乘者以風字印左脾以飛

字印左髀騾牛驢則官名誌其左膊監名誌其右

髀驄羊則官名誌其頰羊仍割耳若經印之後簡入

別所者各以新入處監名印其左頰官馬賜人者以

賜字印配諸軍及充傳送驛凡每歲進馬麤良有差

者以出字印並印左右頰也

使司每歲簡細馬五十匹敦馬一百匹進之若諸監

之細馬生駒以其數申所由司次入寺其四歲以下

麤馬每年簡充諸衛官馬凡馬牛皮脯及筋角之屬

皆納于有司每年終監牧使巡按孳課之數以功過

相除為之考課焉

沙苑監監一人從六品下沙苑在同州

副監一人正七品下

丞一人正九品上

主簿一人從九品下

沙苑監掌牧養隴右諸牧牛羊以供其宴會祭祀及

尚食所用每歲與典牧分月以供之丞為之貳凡屠宰國

唐六典 卷一 十一

唐六典卷十七
忌廢務日。立春前後一日。每月一日。八日。十四日。十五
日。十八日。二十三日。二十四日。二十八日。二十九
日。三十日。每歲正月。五月。九月。皆罷之。諸
雜畜及牝羊有孕者。雖非其日。亦免之。若百司應
供者。則以時皆供之。凡羊毛及雜畜皮角。皆具數。申
送所由焉。舊本云。太僕屬官有沙苑監。開元二十三年省。

唐六典卷十七

大唐六典大理寺鴻臚寺卷第十八

唐元宗御撰

集賢院學士兵部尚書兼中書令修國史上柱

國開國公臣李林甫等奉 敕注上

大理寺

卿一人

少卿二人

正二人

丞六人

主簿二人

錄事二人

府二十八人

史五十六人

獄丞四人

獄史六人

亭長四人

掌固十八人

問事一百人

專司直六人

大司史共三十三人

評事十二人

史二十四人

鴻臚寺

卿一人

少卿二人

丞二人

主簿一人

錄事二人

府五人

史十人

亭長四人

掌固六人

典客署

令一人

丞二人

掌客十五人

典客十三人

府四人

史八人

賓僕十八人

掌固二人

司儀署

令一人

丞一人

司儀六人

府二人

史四人

掌設十八人

齋郎三十三人

掌固四人

幕士六十八

大理寺卿一人從三品

尚書云帝曰谷絲汝作士五刑有服孔安國注曰士理官

也周官為司寇韓詩外傳云晉文公使李離為理

謂大理刑獄也史記天官書斗魁四星貴人之牢曰

大理漢書百官表云廷尉秦官掌刑辟有正左右監

景帝更名大理秩中二千石武帝復為廷尉宣帝置

左右廷尉平哀帝復為大理王莽改曰作士後漢復

為廷尉魏初為大理後復為廷尉置律博士晉置丞

主簿明法掾歷宋齊皆為廷尉梁為秋卿班第十三

陳因之後魏置少卿司直北齊及隋為大理寺隋置

評事皇朝因之龍朔二年改為司刑寺神龍元年復故

年復為大理光宅元年改為司刑寺神龍元年復故

兩漢卿秩中二千石魏晉宋齊梁陳俱第三品後魏

降為從三品太和以後降為第三品隋第三品上皇朝

三品

降為第四品上北齊第四品隋

少卿二人從四品上

後魏置為第三品上太和以後

因之皇朝置二人

降為從四品上

大理卿之職掌邦國折獄詳刑之事以五聽察其情

一曰氣聽二曰色聽三曰視聽四曰聲聽五曰詞聽

以三慮盡其理一曰明慎以讞疑獄二曰哀矜以雪

冤獄三曰公平以鞫庶獄少卿為之貳凡諸司百官

所送犯徒刑已上九品以上犯除免官當庶人犯流

死已上者詳而質之以上刑部仍於中書門下詳覆

其杖刑已下則決之若禁囚有推決未盡留繫未結者五日一

慮若淹延久繫不被推詰或其狀可知而推證未盡

或訟一人數事及被訟人有數事重事實而輕事未

唐六典

卷十八

三

決者咸慮而決之凡中外官吏有犯經斷奏訖而猶稱寃者則審詳其狀開元八年敕內外官犯贓賄及私坐成殿公坐官當已上有合許雪及減罪者並令大理審詳犯狀申刑部詳覆知實寃濫乃錄送中書門下其有遠年斷雪近請除痕亦準此其餘凡吏曹補署法官則與刑部尚書侍郎具刑部格

大理正二人從五品下秦置廷尉正一人漢因之與監及平謂之廷尉三官秩千石魏氏第六品晉置二人宋齊梁陳並一人品全魏氏後魏第六品上北齊及隋並正第六品煬帝增置皇朝置二人龍朔二年改為詳刑大夫咸亨元年改為大理正光宅元年改為司刑正神龍初復舊丞六人從六品上晉武帝咸寧中曹志上書請廷尉置丞自此始也宋齊梁各置一人第七品陳第八品後魏第七品大業三年改丞為句檢皇朝置六人增品從六品上

主簿二人從七品上

魏晉宋齊梁陳大理皆有主簿晉至陳俱二人正七品上皇朝

因而降之

錄事二人從九品上

獄丞四人從九品下

晉令有獄左右丞各一人宋齊因之史闕其品秩梁陳置獄丞

二人第七品後魏北齊亦二人正九品下隋置獄掾八人歷代並以卑微士為之皇朝置四人以流外人

仕者為之

司直六人從六品上

後魏永安三年御史中尉高穆奏置司直十人視五品隸廷尉

位在正監上不置曹士唯覆理御史劾事北齊及隋因之並置十人從第五品下皇朝置六人降為從第六品

評事十二人從八品下

漢書云宣帝地節三年置廷尉平秩六百石員四人其務

在平刑獄故曰廷平。至後漢光武省右平唯置左平。魏晉以來不復云左。但云廷尉。平宋齊各一人。第六品。陳第七品。後魏北齊及隋各置二人。正第六品。下官為評事。皇朝因之。置十二人。從八品下。

大理正掌參議刑獄評正科條之事。凡六丞斷罪有不當者則以法正之。凡內外官及爵五品已上犯罪至棄市者並監決。若車駕巡幸在京則都一人留寺以總卿貳之職。在都則京亦如之。

丞掌分判寺事。凡有犯皆據其本狀以正刑名。六丞判尚書六曹所統百司及諸州之務。其刑部丞掌押獄。每一丞斷事。五丞同押。若有異見則各言不同之狀也。

徒已上各呼囚與其家屬告以罪名問其狀款不伏則聽其自理。無理者便以元狀斷定。上刑部刑部覆有異同者下於寺更詳其情理以申或

改斷焉

主簿掌印省署抄目勾檢稽失。凡官吏之負犯并雪寃者則據所由文牒而立簿焉。凡贖銅者一斤為一負。坐而贖銅者二斤為一負。各十負為一殿。其有犯人未附而會恩免者本犯至免官以上及犯贓賄以下

原關

錄事掌受事發辰。舊唐書

獄丞掌率獄吏知囚徒貴賤男女異獄。五品以上月一沐暑則置漿禁紙筆金刃錢物杵槌入者。囚病給醫藥重者脫械鎖家人入侍。新唐書

司直掌承制出使推覆若寺有疑獄則參議之典通
 評事掌出使推按凡承制推訊長吏據狀合停務及
 禁錮者先請魚書以往據所受之狀鞠而盡之若詞
 有反覆不能首實者則依法拷之大理斷獄皆連署

焉太平御覽

鴻臚寺卿一人從三品

周官大行人掌大賓客之禮秦官有典客掌諸侯及歸義

蠻夷漢改為鴻臚景帝二年令諸侯王薨列侯初封及之國大鴻臚奏諡誅策建中六年改大鴻臚為大行令太初元年更名太鴻臚魏晉因之自東晉至於宋齊有事則權置兼官畢則省梁除大字但曰鴻臚卿後魏曰大鴻臚北齊及隋為鴻臚寺卿一人正第三品開皇三年省并入太常十二年復置領典客司儀崇元三署湯帝降卿為從三品皇朝依焉龍朔二年改為同文正卿咸寧元年復曰鴻臚光宅元年改

為司賓寺卿神龍元年復舊舊屬官有崇元署開元二十五年敕改隸宗正寺

少卿二人從四品下

後魏太和十五年九卿各署少卿一人第三品上三十二年降

為正四品上北齊因之後周有小賓部下大夫一人隋依北齊湯帝加置少卿二人降為從四品皇朝武德中置一人貞觀中加置二人龍朔咸亨光宅神龍並隨寺改復

鴻臚卿之職掌賓客及凶儀之事領典客司儀二署以率其官屬而供其職務少卿為之貳凡四方夷狄君長朝見者辨其等位以賓待之凡二王之後及夷狄君長之子襲官爵者皆辨其嫡庶詳其可否以上尚書若諸蕃大酋渠有封建禮命則受冊而往其國凡天下寺觀三綱及京都大德皆取其道德高妙為

衆所推者補充上尚書祠部凡皇帝皇太子爲五服之親及大臣發哀臨吊則贊相焉凡詔葬大臣一品則卿護其喪事二品則少卿三品丞一人往皆命司儀以示禮制也

丞二人從六品上

秦有典客丞漢因之武帝改曰大鴻臚丞比千石魏晉皆因之東晉

省梁鴻臚丞班第三陳因之後魏列卿丞從五品中

太和二十二年降爲第七品北齊爲第七品下後周

賓部有上士一人隋鴻臚丞二人正七品上

大業五年加爲從三品皇朝爲從第六品上

主簿一人從七品上

漢官儀鹵簿篇鴻臚駕四馬主簿晉令大鴻臚置主簿錄事史

梁天監七年十二卿各置主簿位不登十八班者別

爲七班主簿班第三陳因之後魏闕文北齊有功曹

五官主簿隋鴻臚寺主簿一人皇朝因之武

德中正八品貞觀中減置一人從七品上

錄事二人從九品上

丞掌判寺事

主簿掌印勾檢稽失

錄事掌受事發辰

典客署令一人從七品

周禮有掌客上士二人漢鴻臚屬官有行人武帝改爲大

行令魏改曰客館令晉改曰典客宋永初中分置南

北客館令丞齊有客館令梁有典客館令丞在七班

之下爲三品勳位陳因之後魏典客監從五品太和

十五年置主客令北齊鴻臚寺統典客署後周有東

南西北四掌客各上士一人隋鴻臚卿統典客署令

丞煬帝改曰典蕃署又於達國門外置四方節以待

四方使客各掌其方國及互市等事皇

朝以四方館隸中書改典蕃曰典客署

丞二人從八品下

周禮掌客有下士四人漢大行令有丞北齊有典客丞隋有典客丞

二人。皇朝因之。

掌客十五人。正九品上。

隋置。皇朝因之。有典客賓僕等員。

典客令掌二王後介公鄴公之版籍。及東夷西戎南

蠻北狄歸化在蕃者之名數。丞為之貳。凡朝貢宴享

送迎預焉。皆辨其等位。而供其職事。凡酋渠首領朝

見者則館。而以禮供之。

三品已上。準第三等。四品五品。準第四等。六品已下。準第五等。其無官品者。大酋渠首領。準第四等。小酋渠首領。準第五等。所乘私畜。抽換客舍。放牧仍量給芻粟。

若諸蕃獻藥物滋味之屬。入境州縣。與蕃使苞匭封

印。付客及使。具其名數。牒寺。寺司勘訖。牒少府監及

市。各一官領。識物人定價。量事奏送。仍牒中書。若疾病

所司遣醫人給以湯藥。若身亾。使主副及第三等已

上官奏聞。其喪事所須。所司量給。欲還蕃者。則給輿

遞至境。

首領第四等已下。不奏聞。但差車牛送至墓所。

諸蕃使主副五品已

上。給帳氈席六品已下。給幕及食料。丞一人判厨事。

季終則會之。若還蕃。其賜各有差。給於朝堂。典客佐

其受領。教其拜謝之節焉。

司儀署令一人。八品下。

周禮有司儀。上士中士。漢大鴻臚有治禮郎。後魏太和十

五年。置司儀官。北齊鴻臚寺統司儀令丞。後周司儀上士一人。中士二人。隋鴻臚卿統司儀署令丞。皇朝

因之。領司儀齋郎掌設幕士等

丞一人。正九品下。

北齊有司儀丞一人。隋有二人。皇朝減二人。

司儀令掌凶禮之儀式。及供喪葬之具。丞為之貳。

若

帝皇太后皇后皇太子為五服之親舉哀本服周年者三朝哭而止大功者其日朝晡哭而止小功已下及皇帝為內命婦二品已上者百官執事及散官一品喪皇太后皇后為內命婦三品已上喪皇太子為三師三少及宮臣三品已上並一舉哀而止皇帝臨臣之喪一品服錫縗三品已上總縗四品已上疑縗皇太子臨弔三師三少則錫縗宮凡京官職事三品已上散官二品已上遭祖父母父母喪京官四品及都督刺史并內外職事若散官以理去官五品已上在京薨卒及五品之官死王事者將葬皆祭以少牢司儀率齋郎執俎豆以往三品已上又贈以束帛二品加乘馬既引又遣使贈於郭門之外皆以束帛二品加璧凡百官以理去職而薨卒者聽斂以本官之

服無官者介幘單衣婦人有官品者亦以其服斂應

者皆用蠟代玉凡設鬲及銘旌轎車之屬有差一品懸鬲六五品以上四

六品已下二凡銘旌三品已上長九尺五品已上八尺六品已下七尺皆書云某官封姓名之柩其轎車

三品已上油幘朱絲絡網施襪兩廂畫龍幘竿諸未垂六旒蘇七品已上油幘施襪兩廂畫雲氣四旒蘇

八品已下無旒蘇男子幘襪旒蘇皆用素凡引披鐸婦人皆用蘇庶人鼈甲車無幘襪畫飾

嬰挽歌方相魁頭纛帳之屬亦如之三品已上四引四披六鐸六嬰

挽歌六行三十六人有挽歌者鐸依歌人數已下準此五品已上二引二披四鐸四嬰挽歌四行十有六

人九品已上二鐸二嬰其執引披者皆布幘布深衣挽歌者白練幘白禱衣皆執鐸帳其方相四目五品

已上用之魁頭兩目七品已上用之並元衣朱裳執戈楯載於車其纛五品以上竿長九尺六品已下五

尺其下帳五品已上用素縗凡五品已上薨卒及葬六品已下用練婦人用綵

合弔祭者應須布深衣幘素三梁六柱輦皆官借之
凡葬禁以石為棺
 其內外命婦應得鹵簿者亦如之
槨者其棺槨禁雕鏤綵畫施戶牖檻欄者棺
 凡職事官五品已上葬者
內禁金寶珠玉而斂者
 皆給營墓夫一品百人每品以二十人為差五品二十人皆役功十日凡以理去
 官及散官三品已上與見任職事同其五品已上減
 見任職事之半致仕者同見任其百官薨卒喪事及葬應以官供者皆所
司及本屬上於尚書省尚書省乃下凡五品已上薨
寺寺下司儀司儀準品而料上於寺卒及三品已上有周已上親喪者皆示其禮制焉

唐六典卷十八終

大唐六典司農寺卷第十九

唐 元宗御 撰

集賢院學士兵部尚書兼中書令修國史上柱

國開國公臣李林甫等奉 敕注上

司農寺

卿一人

少卿二人

丞六人

主簿二人

錄事二人

府三十八人

史七十六人

計史三人

亭長九人

掌固七人

上林署

令二人

丞四人

府七人

史一十四人

監事十人

典事二十四人

掌固五人

大倉署

令三人

丞六人

府十人

史二十人

監事十人

典事二十四人

掌固八人

鈎盾署

令二人

丞四人

府七人

史十四人

監事十人

典事十九人

掌固五人

導官署

令二人

丞四人

府八人

史十六人

監事十人

典事二十四人

掌固五人

太原永豐倉

監一人

丞二人

錄事一人

府三人

史六人

典事八人

掌固六人

龍門等諸倉

每倉監一人

丞二人

錄事一人

府二人

史四人

典事六人

掌固四人

司竹監

監一人

副監一人

丞二人

錄事一人

府二人

史四人

典事三十人

掌固四人

溫泉湯監

監一人

丞一人

錄事一人

府一人

史二人

掌固四人

京都苑總監

副監各一人

副監各一人

丞各二人

主簿各一人

錄事各二人

府各八人

史各十六人

典事各六人

亭長各四人

掌固各六人

京都苑四面監

監各一人

副監各一人

丞各二人

錄事各一人

府各三人

史各六人

典事各六人

掌固各六人

諸屯監

監一人

丞一人

錄事一人

府一人

史二人

典事二人

掌固四人

每屯主一人

屯副一人

九成宮總監

監一人

副監一人

丞一人

主簿一人

錄事一人

府三人

史五人

司農寺卿一人從三品

左傳少昊氏九扈為九農正尚書舜命棄為后稷播時百穀周官冢宰有太府下大夫鄭氏注若今司農漢書百官表云治粟內史秦官掌穀貨有兩丞景帝更名大農令武帝更名大司農秩中二千石屬官有太倉均輸平準都內藉田五令丞幹官鐵市兩長丞又郡

國諸倉農監都水六十五官長丞皆屬焉又有搜粟都尉武帝軍官不常置王莽改大司農曰羲和後更為納言後漢改為大司農魏因之品第三晉置功曹主簿錄事等員哀帝省併都水孝武帝復置宋齊因之未有卿名梁天監七年象四時置十二卿司農為春卿班第十一又置勸農謁者亦隸司農陳因之梁後魏大司農第二品上太和二十二年改第三品北齊因之後周依周官有司農上士一人掌三農九穀稼穡之政令隋司農卿一人正三品煬帝降為從三品司農但統上林太倉鉤盾導官四署罷典農華林二署以平準京市隸太府寺掌苑園薪芻蘊炭市易度量皇朝因之龍朔二年改司稼寺正卿咸亨中復舊

少卿二人從四品上

後魏初置少卿第三品太和十二年為正第四品上北齊因之

後周司農有中士一人隋品全北齊煬帝加置二人降為從四品龍朔咸亨隨寺改復
司農卿之職掌邦國倉儲委積之政令總上林太倉

鈎盾導官四署與諸監之官屬

舊屬官又有太和玉山九成宮農圃等三

監開元二謹其出納而修其職務少卿為之貳凡京

都百司官吏祿廩皆仰給焉

每年支諸司雜物各府定額開元二十三年敕

以為費用過多遂停減光祿寺左右羽林左右萬騎左右三衛閑廐使五功使洛城西門東宮南衙諸厨及總監司農鴻臚等司年支雜物并括少府監庫內舊物四百餘萬

凡朝會祭祀供御所須及百官常料則率署監所貯

之物以供其事凡孟春吉亥皇帝親籍田之禮有事

于先農則奉進耒耜

兩漢及魏晉並有其禮過江草創未暇至宋始有齊因之猶不

齋不祭至梁天監中依國語禮記散齋七日致齋三日於耕所設先農神座薦羞之禮如社稷陳因之後魏闕北齊籍於城東南千畝設御壇於阡陌東正月吉亥使公卿祀先農於壇上祀訖帝降至耕位執耒

三推升壇卽坐一品五推二品七推三品九推籍田

令帥屬以牛耕終千畝以青箱奉種稷之種司農至耕所灑之糶訖省功奏事畢帝降之便殿更衣宴饗

班賚而還後周無聞隋於啓夏門外置地千畝為壇孟春吉亥祭先農以后稷配牲用太宰皇帝服衮冕

備法駕乘耕根車祀三獻訖因耕司農授耒皇帝三推執事以授應耕者各以班五推九推司農率其屬

終畝皇朝因之開元二十三年正月親耕於洛陽東門外諸儒奏議以為古者耦耕以一撥為一推其

禮久廢今用牛耕宜以一步為一推及親籍田太常卿告三推禮畢上曰朕憂農人之勤勞欲俯同季冬

藏冰祭司寒以黑牡秬黍仲春啓冰亦如之

丞六人從六品上

秦治粟內史有兩丞漢因之武帝改為大司農亦兩丞及桑宏羊為

大司農置部丞數十人分部主郡國將以典利後漢司農丞一人比千石部丞一人六百石部丞主帑藏

魏因之品第七晉亦品第七進賢一梁冠介幘阜衣銅印黃綬宋齊梁陳司農丞墨綬後魏從五品中太

和二十二年為七品下北齊因之隋司農丞五人品
從第六大業五年加至從五品皇朝武德中置四人
貞觀中加
置六人

主簿二人從七品上

晉太康中置主簿二人宋齊無
聞梁置一人七班之中第三陳

因之後魏不見北齊司農寺有功曹五
官主簿隋司農主簿二人皇朝因之

錄事二人從九品上

丞掌判寺事凡天下租稅及折造轉運于京都皆閱
而納之每歲自都轉米一百萬石以祿百官及供諸
司若駕行幸東都則減或罷之凡受租皆於輸場對
倉官租綱吏人執籌數函其函大五斛次三斛小一
斛其諸州藁秸應輸京都者閱而納之以供祥麟鳳

苑之馬凡朝會祭祀米物薪芻皆應時而給

若應供
御進內

則據本司移牒而供之其中書門下尚書省御史臺
史館集賢院別敕定名使并吏部兵部入宿令史中
書門下令史諸楷書
手寫書課皆有炭料凡官戶奴婢男女成人先以本

色媿偶若給賜許其妻子相隨若犯籍沒以其所能
各配諸司婦人巧者入掖庭

主簿掌印省署抄目勾檢稽失凡署本契二十隻應
須出納與署合之

十隻與太倉署合十隻與導官署
合皆分九雌一雌主簿掌雌留署
勘然後
出給

錄事掌受事發辰

上林署令二人從七品下

漢書百官表水衡都尉武
帝置掌上林苑屬官有上

林令丞尉。又有甘泉上林長丞。又步兵校尉掌上林苑。又少府屬官有上林中土池監。上林者漢之苑圃也。司馬相如有上林賦。後漢上林苑令一人。六百石。主苑中禽獸。頗有民居。皆主之。捕得其獸。送太官。丞一人。三百石。魏晉因之。江左闕其官。宋武帝復置。隸尚書殿中曹。及少府。齊因之。梁陳屬司農。後魏闕文。北齊及隋並屬司農。皇朝因之。

丞四人。從八品下。漢水衡都尉上林有八丞。後漢魏晉並一人。江左省。宋武帝置。齊梁

陳並一人。後魏闕文。北齊上林丞八人。隋置二人。皇朝置四人。

監事十人。從九品下。

上林署令掌苑園池之事。丞為之貳。凡植果樹蔬菜。以供朝會祭祀。其尚食進御。及諸司常料。亦有差諸司吏執抄旁。凡季冬藏冰。厚一尺五寸。所管州於詣園。然後給之。

山谷鑿先立春三日。納之冰井。周禮。凌人掌冰。政歲而取之。十有二月。令斬冰。三

其凌。春始治。鑑夏頒冰。秋刷。鄭元云。凌。冰室也。刷。清也。刷。除凌室。更納新冰。西陸朝覲而出之。以進御焉。

太倉署令三人。從七品下。石氏星經。天倉六星。在婁南。倉谷所藏。南四星。天庾

積。厨粟之所。天困十三星。為倉廩之屬。主御糧也。史記云。武王伐殷。散鉅橋之粟。周禮有廩人。下大夫。上士。秦漢太司農屬官。太倉令丞各一人。文帝時。淳于意為之。後漢太倉令一人。六百石。魏品第七。晉宋齊梁陳亦然。後魏闕文。北齊司農統太倉令丞。後周有司倉下大夫。隋太倉署令二人。米廩督二人。谷倉督四人。鹽倉督二人。皇朝署太倉令三人。東都則曰含嘉倉。

丞六人。從八品下。秦漢魏晉宋齊梁陳北齊皆有丞一人。隋太倉丞六人。皇朝因之。

監事十人。從九品下。
太倉署令掌九穀廩藏之事。丞為之貳。凡鑿窖置屋。

皆銘甄為庚斛之數與其年月日受領粟官吏姓名

又立牌如其銘焉輸米麥二斛課粟一圍三斛撥一枚米二十斛籩蔭一領粟四十斛

苦一蕃麥及雜種亦如之以充凡粟支九年米及雜倉窖所用仍令輸人營備之

種三年貯經三年斛聽耗一凡京官之祿發京倉以

給中書門下御書臺尚書省殿中省內侍省九寺三監左右春坊詹事府京兆河南府並第一般上旬

給十八衛諸王府率更家令僕寺京都總監內坊並第二般中旬給諸公王府邑司東宮十率府九成宮

給總監兩京畿府官並第三般給公糧者皆承尚書省

符丁男日給米二升鹽二勺五撮妻妾老男小則減之若老中小男無官及見驅使兼國子監學生鍼

醫生雖未成丁亦依丁例

鉤盾署令二人正八品上漢少府屬官有鉤盾令丞茂陵中書云鉤盾宦者近

署兵器所造昭紀云帝初立年八歲耕于鉤盾弄田應邵云帝時幼未能親耕帝籍鉤盾宦者近署故往試為弄田後漢令六百石魏氏闕文晉大鴻臚屬官有鉤盾令宋齊梁陳省其官後魏闕文北齊大司農統鉤盾令丞隋司農統鉤盾署令三人掌薪芻及炭鵝鴨蒲蘭陂池藪澤之物皇朝令二人丞四人丞四人正九品上漢有五丞後漢置二人四百石又有苑丞永安鴻池丞並隸鉤盾魏

氏因之隋鉤盾十二丞皇朝減置四人

監事十人從九品下後漢鉤盾令從官四十人晉鉤盾令置主簿錄事各一人

鉤盾署令掌供邦國薪芻之事丞為之貳凡祭祀朝

會賓客享宴隨其差降而供給焉凡京官應給炭五

客在館第一等人日三斤已下各有差其和市木樅

一十六萬根每歲納寺如用不足以苑內蒿根柴兼

之其京兆岐龍州募丁七千人每年各輸作木樅八

十根春秋二時送納若駕在都則於河南府諸縣市

之少尹一人與卿相知檢察凡孳生鵝鴨雞彘之屬皆令官奴婢

為課養之

導官署令二人八品上秦漢少府屬官有導官令丞主擇米以供祭祀及御饌導

擇也後漢屬大司農令六百石丞三百石魏晉宋齊皆有令丞梁在七班之下為三品勲位陳因之後魏

闕文北齊及隋皆有令丞並屬司農皇朝因之置令二人

丞四人正九品上奉漢魏皆有丞晉氏不置宋齊又置梁陳復省隋有五丞皇朝置四人

人

監事十人從九品下晉導官令置主簿錄事酒吏鼓吏等北齊導官有御細部麴麩

部典庫部等倉督隋導官署有御細倉督麴麩等倉督

導官署令掌供御導擇米麥之事丞為之貳凡九穀

之用有為糗糈有為麴蘖有為粉脂皆隨其精麤差其耗損而供給之

太原永豐龍門監每倉監一人正七品下漢書酈生云據敖倉

之粟又吳有海陵倉大司農屬官有諸倉長丞後漢河南尹屬官有滎陽穀倉長丞魏書有邸閣倉亦其事也東晉有東倉石頭倉宋齊因之梁司農統左中右三部倉丞陳氏亦同後魏闕文北齊司農有梁州及石濟之水次倉隋初漕關東之粟以實京邑衛州黎陽倉滎陽洛口倉洛州河陽倉陝州常平倉潼關渭南亦皆有倉以轉運之各有監官皇朝因之

丞二人從八品上

諸倉監各掌其倉窖儲積之事丞為之貳凡粟出給者每一屋一窖盡賸者附計欠者隨事科徵非理欠

損者坐其所由令徵陪之凡出納帳歲終上于寺焉

司竹監監一人正七品下漢官有司竹長丞魏晉河內淇園竹各置司守之官

江左省後魏有司竹都尉北齊後周並關隋有司竹監及丞皇朝因之今在京兆鄠盩厔懷州河內縣

副監一人正八品下

丞二人從八品上

司竹監掌植養園竹之事副監為之貳凡宮掖及百

司所須簾籠筐篋之屬命工人擇其材幹以供之其

笋則以時供尚食歲終以竹功之多少為之考課

丞掌判監事

溫泉湯監一人正七品下辛氏三秦記云驪山西有溫泉先以三牲祭乃得洗

不祭則爛入肉俗說云秦始皇與神女戲不以禮神
女唾之生瘡始皇怖謝乃為出溫泉洗之立愈抱朴
子曰水有溫泉之湯池火有蕭丘之寒焰漢魏已來
相承云能盪邪蠲疫今在新豐縣西後周庾信有溫
泉碑皇朝置溫泉宮常所臨幸又京兆府藍田縣有
石門湯岐州郿縣有鳳凰湯同州有北山湯河南府
有陸渾湯汝州有廣成湯天下諸州往往有之然地
氣溫潤植物尤早丹木凌冬不凋蔬果入春先熟比
之驪山多所不逮

丞一人從八品上

溫泉湯監掌湯池宮禁之事丞為之貳凡駕幸溫湯
其用物不支所司者皆供之若有防堰損壞隨時修
築之凡王公已下至於庶人湯泉館室有差別其貴
賤而禁其踰越凡近湯之地潤黷所及瓜果之屬先

時而育者必為之園畦而課其樹藝成熟則苞匭而進之以薦陵廟

京都苑總監監各一人從五品下

副監一人從六品下

丞二人從七品下

主簿一人從九品上

苑總監掌宮苑內館園池之事副監為之貳凡禽魚果木皆總而司之凡給總監及苑內官屬人畜出入皆為差降之數

京都苑四面監監各一人從六品下

副監一人從七品下

丞二人正八品下

四面監掌所管面苑內宮館園池與其種植修葺之

事副監為之貳

顯慶二年改青城宮監曰東都苑北陽宮農圃監曰東都苑東面監倉貨監曰東都苑西面監

丞掌判監事

諸屯監一人從七品下

隋置屯監畿內者隸司農自外者隸諸州皇朝因之

丞二人從八品下

諸屯監各掌其屯稼穡丞為之貳凡每年定課有差九成宮總監監一人從五品下

副監一人從六品下

丞一人從七品下

主簿一人從九品下

九成宮監掌檢校官苑供進合鍊藥餌之事副監為

之貳武德初改隋仁壽宮監曰九成宮監

主簿掌印句檢監事

唐六典卷十九終



